

Isumaginninnermi perorsaasutut ilinniartitsineq pillugu Inatsisartut peqqussutaata allanngortinneqarnissaanik Inatsisartut peqqussutissaattut siunnersuut
(Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq)

Saqqummiussissut

Siullermeerneqarnera

Matumuuna Naalakkersuisut sinnerlugit Isumaginninnermi perorsaasussanik ilinniartitsineq pillugu Inatsisartut peqqussutaata allanngortinneqarnissaanik Inatsisartut peqqussutissaattut siunnersuut saqqummiutissavara.

Siunnersuut Inatsisartut peqqussutaanni 1998-imili allanngortinneqarani atuuttumi naapertuutinnngitsutut paasineqarsimasut tunngavigalugit saqqummiunneqarpoq. Siunnersuutip siunertaa tassavoq naapertuutinnngitsunik aqqiinissaq, inatsisip ullutsinnut naapertuunnerulernissaa siunertaralugu. Ilaatigut tassani pineqarpoq ilinnialernissami ukiunut piumasaqaatigineqartut ullutsinnut naleqqukkunnaarsimanerat. Tamanna inuiaqatigiinni ineriartornermik nalinginnaasumik peqquteqarpoq, ilinniagaqarniarlutik qinnuteqartut ullumikkut Kalaallit Nunatsinni nalinginnaasumik inerissimassusaat pissutigalugu. Taamaattumik ilinnialernissamut ukiutigut piumasaqaat ilinniagaqarnissamut akornutaasariaqanngilaq.

Taassuma saniatigut siunnersuut maalaaruteqarnissamut periarfissanik naleqqussaaneermik imaqarpoq, inatsisini atuuttuni maalaaruteqarnissamut periarfissat ilanngunneqarsimanngimmata.

Naggataatigut ilisimatitsissutigineqassaaq Inatsisilerinermut Allaffiup aamma Inatsisartut inatsisissaanik nalilersuisarfiata oqaaseqaataat siunnersuummut ilanngunneqarmata, siunnersuummullu oqaaseqatinut nalinginnaasunutaaq innersuussisoqarluni.

Taamatut oqaaseqarlunga siunnersuut Inatsisartunut oqaluuserisassanngortippara.